

外篇胙篋第十

通篇主意以聖智治天下便有盜聖智者以仁義治天下便有盜仁義者不如兩亡而盜自不生乃可還世道於醜

將為胙音祛開也又云脅也從篋探以手囊發也亦開 匱之盜而

為守備則必攝緘滕微纒之類 固扃音穹管鑰也 此世俗之所謂

知也木為鼠竊之備 然而巨盜至則負匱揭舉也 篋擔囊而趨唯恐緘滕

扃鏑之不固也併挈而去亦欲其固 然則鄉之所謂知者今乃為大盜積

者也從旁說來 故嘗試論之世俗所謂知者有不為大盜積者乎所

謂聖者有不為大盜守者乎言世俗所謂聖知者有如此真聖知者固不然也 何以知

其然邪昔者齊國鄰邑相望雞犬之音相聞罔罟之所布耒耨

道藏輯要 南華真經 程疏 三 牛集十

之所刺方二千餘里闔四境之內所以立宗廟社稷治邑屋州

閭鄉曲者曷嘗不法聖人哉然而田成子齊大夫 一旦殺齊君

簡 而盜其國割安邑以東至瑯琊自為封邑 所盜者豈獨其國邪并與其聖

知之法而盜之齊國私量大而公量小田成以私量貸于民而以公量入于己是借聖智之法以濟其竊國之

私即借聖知之 故田成子有乎盜賊之名而身處堯舜之安

借聖人之法以濟其盜賊之謀 小國不敢非大國不敢誅十二世有齊國

敬仲至齊威王凡十二世 則是不乃竊齊國并與其聖知之法以守其盜

賊之身乎觀齊田之竊國盜路之用 嘗試論之世俗之所謂至

知者有不為大盜積者乎所謂至聖者有不為大盜守者乎加

至字至知至聖又深一步說 何以知其然邪昔者龍逢斬殺比干剖剖莫

洪胞

音耻裂也又云剝腸曰胞周靈王賢臣

子胥靡

音迷吳王夫差賜劍以死爛之江中

故四子之

賢而身不免乎戮

賢者不足以自恃而竊聖道者或以自利

故跖之徒問於跖曰盜

亦有道乎跖曰何適而無有道邪夫妄意室中之藏聖也入先

勇也出後義也知可否知也分均仁也五者不備而能成大盜

者未之有也

為盜者必有五德而後能服羣盜

由是觀之善人不得聖人之道

不立跖不得聖人之道不行天下之善人少而不善人多則聖

人之利天下也少而害天下也多

聖道不為害盜賊用之則為害

故曰唇竭則

齒寒魯酒薄而邯鄲圍

楚伐魯以其酒薄也梁伐趙以魯不得援也

聖人生而大盜

起培擊聖人縱舍盜賊而天下始治矣

泛言天下無聖人則盜跖不識道而竊五德以

為盜矣非真謂屏聖而容盜也

夫川竭而谷虛邱夷而淵實

竭涸也夷平也郭象曰竭川非

道藏輯要

南華真經程疏

三

牛集十上八十一

以虛谷而谷虛夷邱非以實淵而淵實喻聖人之法不為盜設而反為盜賊之資

聖人已死則大盜

不起天下平而無故矣

止盜在去欲不在彰聖智聖生盜起聖死盜止只是說大盜能假法以濟其私

凡喻利小人皆是也

聖人不起雖重也

復出聖人而治天下則

是重利

復有所資益

盜跖也

向秀云聖人不起言守故而日新牽名而不造實也大盜不止不亦宜乎

為之斗斛以量之則井與斗斛而竊之

一法立便一奸生以下皆所以明苟非其人雖

法無益

為之權衡以稱之則井與權衡而竊之

權稱錘衡稱衡也為之

符璽

符音浮符節也又軍符古以竹為之後人用銅各留其半璽音徙天子印章

以信之則井與符

璽而竊之為之仁義以矯之則井與仁義而竊之何以知其然

邪彼竊鉤者誅

鉤腰帶之鉤金也竊之小者有司猶得以按法而加誅

竊國者為諸侯

大者人不得而誅反得國而為諸侯

諸侯之門而仁義存焉則是非竊仁義聖

知邪既為諸侯亦以仁義守之故逐於大盜大盜既竊法而得國揭昭揭也

以圖諸侯之國諸侯竊仁義并斗斛權衡符璽之利者深遂其貪雖得之願

有軒冕之賞弗能勸斧鉞之威弗能禁盜以得失為利病不以勸懲為榮辱故難改其

盜竊之心此重利盜跖而使不可禁者是乃聖人之過也立法之過故

曰魚不可脫於淵國之利器不可以示人魚失淵則為人獲利器明則為盜資故不

可示人彼聖人者天下之利器也非所以明天下也諸氏云聖人當作聖

知蓋聖人立法而使人竊法者總是不該以利器示人也但天下既知利器又從而愚之亦不能故絕聖棄

知大盜乃止擿音擿投棄之也玉毀珠小盜不起焚符破璽而民樸鄙

培斗折衡而民不爭殫音丹盡也殘天下之聖法而民始可與論議

陸西星曰此為天下遏絕亂源絕聖棄知絕仁棄義本老子又云不貴難得之貨使民不為盜殫殘謂盡去也盡去聖法

道藏輯要

南華真經 程疏

齒

牛集十

則民返于素樸故始可與論道大擢取亂六律鑠音絕竽瑟抵此等說話皆不可與局士道之

塞瞽曠之耳而天下始人含其聰矣滅文章散五采膠離朱之

目而天下始人含其明矣毀絕鉤繩而棄規矩擺工倕之指而

天下始人有其巧矣故曰大巧若拙大巧若拙雖是承巧一邊說來其實有許多含蓄

削曾史之行鉗楊墨之口攘棄仁義而天下之德始玄同矣同歸

于玄妙彼人含其明則天下不鑠矣鑠消散也不見人含其聰

則天下不累矣不聽是非人含其知則天下不惑矣人含其德

則天下不僻矣彼曾史楊墨師曠工倕離朱者皆外立其德皆

心于外以而以燭亂天下者也燭音約火光也謂薰灼而撓亂之此數人者自逞其巧使

天下躍而效之未免失法之所無用也若夫法之所用者不其故我則彼為亂主矣

聞事止于能智止于知德止于得安用立所不逮于性分之外使天下奔馳而不能自反哉 子獨不知至

德之世乎歷引崇古帝王皆無為而為者言古者以見今之不然昔者容成氏大庭氏伯

皇氏中央氏栗陸氏驪音犁畜氏軒轅氏赫胥氏尊盧氏祝融氏

伏羲氏神農氏當是時也民結繩而用之甘其食美其服樂其

俗安其居鄰國相望雞狗之音相聞民至老死而不相往來自

結繩至此皆老子之言若此之時則至治已今遂至使民延頸舉踵曰

某所有賢者羸音盈裏也負也糧而趨音趨之暗指孔孟下及蘇張則內棄其親而

外去其主之事足跡接乎諸侯之境車軌結乎千里之外則是

上好知之過也好知者以智謀相尚也上誠好知而無道好知則非自然之道故云無道

則天下大亂矣高下相傾長短相形而天下日益多事矣何以知其然邪夫弓弩畢

道藏輯要 南華真經 程疏 圭 牛集十

弋機變之知多則鳥亂於上矣鉤餌魚餌網罟魚網罾笱音苟以竹取魚

之知多則魚亂於水矣削格所以施網羅也羅落罟罾罟罾音浮翻之知

多則獸亂於澤矣知詐漸毒以知相詐積漸成毒也頡頏即詩云飛滑滑稽頡頏而上日頡頏滑滑稽

也堅白堅執以為白而辨之者解垢解散其紛如垢之脫也同異合異為同皆公孫龍之書

變多則俗惑於辯矣故天下每每大亂罪在於好知故天下皆

知求其所不知務外以求異而莫知求其所已知者不知求其自皆

知非其所不善非指人也而莫知非其所已善者不知已之所是者亦非也是以

大亂此正頡滑堅白解垢同異之生亂故上悖薄日月之明下爍崩山川之精

中墮毀四時之施喘唳音軟微息而動之物蝸牛之屬之蟲肖翹飛揚之物之蝶蛾之屬

物莫不失其性甚矣夫好知之亂天下也自三代以下者是已

試觀三代而下至于春秋戰國何等氣象安得不傷今而思古也

舍夫種種不識不知皆種種生來合下之象之民而悅夫役役人趨而趨人之佞古以悅人矣釋夫恬

淡無爲而悅夫噶噶之意傳曰多事生之讐多言德之賊噶噶已亂天下矣

舍夫種種以下六句括盡一篇辭意

復圭子曰莊老慨道德漓而世教衰思已凋已琢復歸于樸所以發揮老氏絕聖棄智民利百倍絕仁棄義民復孝慈絕巧棄利盜賊無有之意傷爲治者不能弘道德以公天下之情使天下紛紛皆爲利往天下逐逐皆爲利來小則有胥篋探囊發匱之盜大則有負匱揭篋擔囊之盜何也世俗之聖智祇以爲大盜資耳而真人之聖智則不然夫盜貨之大盜

道藏輯要

南華真經程疏

六

牛集十

猶其小也又有盜國之田成子不惟盜其土田以享其利且盜其聖智之法以守其國昔者龍逢比干萇洪子胥四子實有聖智之名反以殺其身盜跖無其名盜仁義聖智勇之五德反以成大盜則聖人也者善人竊之以成其善惡人竊之亦以濟其惡天下之善人少而不善人多則聖人之利天下也少而害天下也多故曰唇竭則齒寒魯酒薄而邯鄲圍由唇齒魯趙之事而觀之則人知聖人原以化盜不知聖人所立之法反以生大盜末世法網太密吾而剖擊聖人之法欲其效天網之恢恢也未世盜賊成市吾而縱舍盜賊之寃欲其効解網之遺風也真川竭而谷自虛邱夷而淵自實矣聖

人之法已死而不用則大盜必無有竊其法者聖人之法猶存而不死則大盜必侵侵起矣故聖人之法愈多則盜跖愈得之以爲口實也一法立斯一奸生斗斛權衡符璽仁義聖人所以防天下之僞而大盜并飾僞以掩真矯非以爲是竊鉤者可誅而竊國者無誅况諸侯之門而竊仁義聖智者不獨一齊國爲然歷觀四海九州不一姓也分茅錫壤不一君也豈非逐于大盜以竊國者比肩雖有軒冕弗能勸斧鉞弗能禁也故曰魚不可脫于淵國之利器不可以示人欲復開闢之初其國無帥長故絕聖棄智大盜乃止其民無嗜欲故摘玉毀珠小盜不起其俗無疑信故焚符破璽而民樸鄙其

道藏輯要

南華真經
程疏

七

牛集十
X六八

時樸未殘爲器故培斗折衡而民不爭其風不知畏忌故殫殘天下之聖法而民始可與論議不如塞師曠之耳欲反聽也我返聽則天下含其聰而不累矣膠離朱之目欲內視也我內視則天下含其明而不鑠矣擺工倕之指不作無益以害有益也而天下始人有其巧而不惑矣削曾史之行鉗楊墨之口攘棄仁義而天下之德始玄同矣吾猶及記至德之世自容成氏而下神農氏而上凡十二帝也結繩之風不改甘食美服樂食安居國有雞狗之音而民無往來之勞何今世之人日以奔競爲事疎其所親而親其所疎諸侯掃榻以迎辨士方軌而至豈非上人好智之過乎好智而無道天下

于是浸浸大亂矣但以機心生而機事起機事起而機禍深
于是有弓弩旃笥罾罟之事遂使鳥亂于上魚亂于水獸亂
于澤蠕動之物咸失其性而又游說之士簧鼓人心方之弓
弩曾弋其禍尤慘胡爲天下皆知求其所不知索之于玄遠
也而不知求其所已知失吾心之真聰明也皆知非其所不
善爲狂爲愚也而不知非其所已善聖智仁義也是以不祥
上應造化下及昆蟲矣卒舍種種無知之民而悅奔競諛佞
之風釋夫恬淡清虛之理而悅啍啍多言之意不知啍啍之
亂天下也何時已哉使司世道者人人而如漆園之用心也
何患世界之不太古乎

道藏輯要

南華真經
程疏

六

牛集十
川